

Sakspapir

Saksbehandlar	Arkiv	ArkivsakID
Eirik Bouwer Utne	FE - 223, TI - &00	15/289

Saksnr	Utvalg	Type	Dato
10/2015	Utval for levekår	PS	17.02.2015

Revidering av retningsliner for Kulturmidlar i Meland kommune

Vedlegg:

Retningsliner for tildeling av kulturmidlar

Saksopplysningar:

Bakgrunn

Retningsliner for tildeling av kulturmidlar i Meland kommune vart sist revidert i 2003, og tenestoområde kultur har sett at det er behov for ei oppdatering med tanke på pris- og utgiftsutviklinga.

Vurdering

Del 1 – samanfatning

Framlegget til revideringa går i hovudsak ut på følgjande punkt:

- Justere opp den øvre grensa for delegerte vedtak under *tilfeldige tilskot heile året* frå kr 3 000 til kr 5 000 og satsane for *tilskot til leiaropplæring* frå kr 500 til kr 1 000
- Justere opp den øvre grensa for gåver i samband med jubileum med 25-årsintervall frå kr 1 000 til kr 5 000 og ved andre jubileum frå kr 500 til kr 1 000
- Forenkling av språk og framstilling
- Endring av namn på enkelte av tildelingane for å klargjere og oppdatere til gjeldande praksis
- Omtalen av kulturprisen er tatt ut. Dette punktet var ei presisering av tildelingsfrekvensen, føresetnadane for tildeling og innmeldingsfristen i forhold til KS-sak 132/84, der prisen vart vedtatt. Ein vurderer at den opphavlege saka saman med praksis er tilstrekkeleg for å handsame tildeling av kulturpris

Del 2 – Revidering for tildeling av kulturmidlar i Meland kommune

Retningslinjer for tildeling av kulturmidlar i Meland kommune

Gjennom tilskot til ålmenne kulturføremål vil Meland kommune vere med å stimulere til positive kultur-, idretts- og friluftslivsaktivitetar.

1.

Generelle vilkår

- Frivillige grupper, lag, organisasjonar og einskildpersonar kan søkje, så framti dei ikkje har fast offentleg støtte
- Tiltak retta mot barn og unge vert prioritert
- Aktivitetar og tiltak går framfor drift
- Avgjerd for tilskot skjer i Utval for levekår, jf. punkt 2
- Meland idrettsråd er høyringsorgan for tilskot til idrett og drift av idrettsanlegg
- Meland ungdomsråd er høyringsorgan for tildeling av dei ålmenne kulturmidlane
- Alle lag og organisasjonar som får tilskot skal gje gratis tilgang for følgjepersonell til sine aktivitetar for personar med følgjekort
- Tilskot som har gått til tiltak der krava til tildeling ikkje lengre er til stades innafor ein periode på 10 år, skal betalast tilbake med ein reduksjon på 10% per år sidan tilskotet vart tildelt
- Ein kan krevje søkjar for etterrapportering av tildelte midlar ved behov

1.1

Ålmenne kulturmidlar

Dei ålmenne kulturmidlane blir tildelt etter søknad éin gong årleg, med søknadsfrist 1. mars

- Tilskot til andre lag
- Tilskot til barne- og ungdomsarbeid
- Tilskot til forsamlingshus
- Tilskot til friluftslivstiltak
- Tilskot til idrett og drift av idrettsanlegg
- Tilskot til kulturminnevern
- Tilskot til leikeplassar
- Tilskot til song og musikk

I vurderinga av søknadane skal ein leggje vekt på det følgjande

- Aktivitetsnivå
- Tal på medlemmar som er busett i Meland og særleg barn og unge
- Ein eigeninnsats som står i høve til driftsutgiftene.

Det er eit krav til søknaden at søkjar kan dokumentere

- Drift av laget/organisasjonen/aktiviteten ved årsmelding og rekneskap
- Budsjett, finansieringsplan, skildring og kort behovsvurdering av tiltaket ein søker

tilskot til

1.2

Tilfeldige tilskot heile året

A: Underskotsgaranti

Ein kan søkje om underskotsgaranti opp til kr 5 000 til kulturarrangement tilskipa av lag og organisasjonar, inntil to gongar årleg. For dekking av større beløp eller til fleire arrangement skal søknadane leggjast fram for Utval for levekår.

B: Leiaropplæring

Lag og organisasjonar kan søkje om dekking av kursutgifter til leiaropplæring og kompetanseheving med opp til kr 1 000 for kvar av opp til ti deltakarar i året.

C: Stipend

Ungdom, som er mellom 13 og 19 år i søknadsåret og som syner gode prestasjonar innafør kultur- og idrettsområdet, kan søkje om stipend til vidareutvikling opp til kr 5 000. For større stipend skal søknaden leggjast fram for Utval for levekår

D: Deltaking i konkurranse

Ein kan søkje om tilskot til deltaking i nasjonale og internasjonale meisterskap innafør kulturfeltet opp til kr 5 000. For større tilskot skal søknaden leggjast fram for Utval for levekår

E: Andre søknadar til tiltak innafør kulturfeltet

Ein kan søkje om tilskot til andre tiltak innafør kulturfeltet opp til kr 5 000. For større tilskot skal søknaden leggjast fram for Utval for levekår

1.

Jubileumsgåver

Lag og organisasjonar kan få tildelt ein gåve i samband med jubileum med følgjande gåveverdi

- Jubileum med 25-års intervall opp til kr 5 000
- Andre jubileum opp til kr 1 000

2.

Administrasjonen får fullmakt til å handsame søknadar under 1.2 – A, C, D og E – etter gjevne satsar opp til kr 5 000 og 1.2 – B etter gjevne satsar opp til kr 10 000. Søknadar over dette skal leggjast fram for Utval for levekår. Søknadar til ålmenne kulturmidlar, jf. 1.1, skal leggjast fram for Utval for levekår etter eit formøte mellom representant for tenesteområde kultur og leiar og nestleiar i utvalet.

3.

Dei ålmenne kulturmidlane og dei tilfeldige tilskota gjennom budsjettåret går over art. 14 700 under ansvara 500 – 504.

Folkehelse

Miljø

Økonomi

Ikkje vurdert særskilde i saka

Konklusjon

Ved å revidere retningslinene for kulturmidlar vil ein stå sterkare i arbeidet med å støtte den omfattande frivillige innsatsen i kommunen.

Framlegg til vedtak:

Retningsliner for kulturmidlar i Meland kommune vert godkjend slik dei ligg føre i del 2 av vurderinga

Utval for levekår - 10/2015

ULK - behandling:

ULK - vedtak:

Retningsliner for kulturmidlar i Meland kommune vert godkjend slik dei ligg føre i del 2 av vurderinga.